



COLEGIO ARUBANO

R.K SCHOOL VOOR CICLO BASICO,
CICLO AVANSA, V.W.O EN H.A.V.O.
VONDELLAAN 14
TEL. 5822005 / 5822684 / 5831373 / 5828930
FAX: 5832676, ARUBA
E-mail: info@colegioarubano.aw

Na e alumnonan di Colegio Arubano y
mayornan/cuidadonan

Oranjestad, 16 di maart 2021

COLAUA: 2020/2021–243

Topico: Informacion tocante examen 2021

Apresiasi mayor/ cuidado, alumno,

Dia 19 di februari mi a informa cu Hulanda a amplia e regulacion pa examen central. Nos minister di enseñansa a duna di conoce durante un conferencia di prensa, cu Aruba lo sigui e regulacion aki. Fin di siman pasa minister a haci su decision conoci na e scolnan pa medio di un carta. Den e carta aki mi ta informa boso tocante e decision di minister. Tambe mi lo informa kico esaki lo nifica pa nos alumnonan di examenklas.

Regla di slaag-zak.

E regla di slaag-zak ta keda mescos. Bo por lesa esaki den e reglamento di examen. Den documento 1 adhunto bo lo haya e regulacion di slaag-zak

Ahustacion relaciona cu tijvakken pa e examen central.

- Por parti e examennan central entre prome y di dos tijdvak. Pues, e candidatonan cu ta malo of tabata den cuarentena (pa motibo di COVID-19) por traha (un parti di) nan examennan den e di dos tijdvak. Tambe ta brinda e e candidatonan, cu tin retraso y cu mester mas tempo pa prepara, e posibilidad pa parti nan examennan entre tijdvak 1 y tijdvak 2.
- E di dos tijdvak pa e examen central ta alarga pa 10 dia y lo tuma lugar di 14 di juni pa 25 di juni 2021.
- Lo tin un di tres tijdvak cu lo ta di 6 pa 9 di juli 2021, den cual e eventual hernan lo tuma lugar.

E roosternan di e tur e tijdvaknan ta den e documentonan 2 y 3 adhunto.

Extra her

Tur e candidatonan pa diploma den aña escolar 2020-2021 por traha herexamen central pa dos diferente vak.

- E dos hernan por tuma lugar den tijdvak 2.
- Por parti e hernan entre tijdvak 2 y tijdvak 3.
- Por haci tur dos her den tijdvak 3.
- Mescos cu den un aña escolar regular, e cifra mas halto (sea ta di tijdvak 1 of pa medio di her) ta conta.

No ta inclui un cifra final den determinacion di resultado final

Banda di e extra her cu tur candidato ta haya, tin tambe un ahustacion cu ta conta solamente pa e aña aki, den examenklas. Ta trata aki di medida di eliminacion. Esaki ta encera cu:

- pa e determinacion di resultado, den caso cu ta necesario pa e candidato por gradua, por laga un vak afo, den cual a traha examen completo, independiente di e resultado;
- esaki no ta conta e vaknan Nederlands, Engels y Wiskunde;
- riba e lista di cifra lo bin tur cifra, tambe e resultatonan di e vak cu a laga afo ora di determina e resultado final;
- na momento cu laga un vak afo door di e medida di eliminacion, ta nifica cu e cifra completo ta keda afo di determinacion di e resultado. No ta posibel pa laga un parti di e cifra final so afo den caso cu e cifra ta consisti di SE y examen;
- si uza e medida di eliminacion pa un vak cu ta completa cu examen central, e cifra di examen ey no lo forma parti di e calculacion di e promedio di cifra di examen (regulacion di 5.5.);
- e medida di eliminacion ta permitibel solamente pa e alumnonan cu a traha examen completo di tur e vaknan. Pues schoolexamen y, te unda ta aplicabel, examen central;
- por aplica e medida di eliminacion riba tur vak di examen (cu excepcion di Nederlands, Engels y Wiskunde). E vak no mester tin un examen central. Ora ta trata un vak(of parti di dje) cu ta parti di un cifra combina, ta solamente e cifra final di e vak en cuestion of parti di dje ta laga afo. Lo calcula e resultado di e cifra combina sin e vak aki.

Excepcion pa examen di aardrijkskunde

Pa examen di aardrijkskunde tin un plan divergente.

- Tur e candidatonan mester traha examen di aardrijkskunde den e prome tijdvak.
- E di dos tijdvak ta her pa e candidatonan cu kier haci her di e vak of pa e candidatonan cu pa rason (particular) no por a traha e examen den e prome tijdvak.
- E candidatonan cu pa motibo particular ta traha examen aardrijkskunde, havo of vwo, den tijdvak 2 pa prome biaha, y kier traha her di esaki den tijdvak 3, lo haci esaki un parti por escrito y un parti oral.

Escogencia tijdvak 1 of tijdvak 2

Door cu a haci posibel pa parti e examennan, e alumnonan mester scoge cua examen nan lo haci den cua tijdvak. Claro cu ta huicioso pa traha mas tanto (of tur) examen posibel den tijdvak 1. Di e manera aki bo por ta completamente cla despues di tijdvak 2 y bo por prepara bo mes trankilamente pa bo estudio. Hopi hogeschool y universidad ta pidi nos alumnonan pa nan manda nan diploma y lista di cifra na tempo. E alumnonan cu tin plan pa bay Merca of Canada pa sigui studia, ta core risico grandi di no por cuminsa na september si nan no a gradua despues di tijdvak 2. Posponemento di examen por sigur, pero si tuma por ehempel un alumno, cu pospone demasiado examen y durante tijdvak 2 mester keda cas obligatorio (cuarentena of malesa), ta core risico cu e lo mester traha dos of tres examen riba e mesun dia durante tijdvak 3. Esaki no ta deseabel y ta casi imposibel.

Registracion pa tijdvak 1 y 2 den Magister


Pa prepara tur cos bon, nos ta pidi tur e candidatonan pa examen pa registra via Magister ta cua ta e vaknan cu bo kier traha den tijdvak 1 y cua vaknan den tijdvak 2. E registracion aki por tuma lugar entre 17 y 28 di maart te 6.00pm. Si resulta cu pa via di resultado di SE3 bo kier cambia di escogencia, bo por haci esaki via e conector. Nos ta asumi cu e alumnonan cu no haci escogencia, lo traha tur examen durante tijdvak 1.

Entrega di diploma

E fechanan pa entrega di diploma ta keda 7 di juli 2021 pa vwo y 8 di juli 2021 pa havo. Solamente e alumnoann cu a gradua despues di tijdvak 1 y 2 lo haya nan diploma riba e anochinan festivo aki. Mas despues lo stipula ta con lo haci entrega di diploma. Esaki ta depende di e situacion reinante e tempo ey pa via di coronavirus. E alumnonan cu gradua despues di tijdvak 3 lo a por pasa busca nan diploma fin di juli na scol. Mas despues lo informa riba cua ta e fecha exacto eskai ta tuma lugar.

Nos ta ripara cu awo cu e regulacion di 80/20 no ta conta mas, hopi mas alumno ta haci escogencia pa no bay les mas. Pa tur vak esaki ta un problema grandi. Pa Hulandes por ehempel, mester train pa debate y esaki no ta logra si hopi alumno no ta bay les. Ademas, e alumnonan cu no ta sigui les tin menos chens pa haya bon cifra durante e periodo di SE. Esaki no ta conta pa Hulandes so, sino pa tur vak. P'esey mi ta haci un apelacion na tur alumno pa bay e lesnan. Esaki ta hisa bo chens pa gradua y esey ta loke nos ta traha hunto p'e na scol. Pa esaki nos mester pone nos schoudernan hunto un poco mas. Si esaki logra, na final di aña bo a merece bo diploma di berdad!

Cu saludo cordial,
Den number di rectorado,



T.R. Croes M Ed
Rector